

DE GLORIOSISSIMA
CHRISTI DOMINI
RESURRECTIONE

O R A T I O

Habita pridie Idus Aprilis MDCCXXXV.

IN SACELLO PONTIFICIO

Ad Sanctiss. Dominum Nostrum

CLEMENTEM XII.

A

COMITE PHILIPPO DE VALENTIBUS

TREBIATE



Collegii Nazareni Convictore.



ROMÆ, MDCCXXXV.

Ex Typographia Hieronymi Mainardi.

SUPERIORUM FACULTATE.

BEATISSIME PATER.



Lurimæ solent esse causæ ,
BEATISSIMÆ PATER ,
cur Tibi potissimum unus-
quisque sui ingenii monu-
menta supplex offerre , tuo-
que magno Nomini inscribere gesti-
at ; Pontificii videlicet patrocinii majestas ,
amplissimarum magnitudo virtutum , be-
neficentia singularis , ac præ cæteris hu-
manitas illa tua prope incredibilis , qua
omnes amantissime excipis , omnes pater-
no amore complecteris . At vero mihi ,
præter hæc omnia communia cum cæteris ,
quæ quidem maximi faciendæ esse puto ,

alia quoque fuit ratio , & sane gravissima , hanc Orationem meam Tibi suppliciter exhibendi , ut aliquod scilicet pro maximis tuis in Patrum meum beneficiis grati animi signum extaret . Quem enim primo Clemens XI. Sub-Datarium ; deinde Benedictus XIII. Romane Rotæ Auditorem , & Archiepiscopum Theodosiæ cooptaverat , cum Sanctitas tua ampliori munificentia Pro-Datarii munere decoravit ; & fortasse erat majora quoque summæ beneficentiæ tuæ præmia consecuturus , nisi paucos post menses importuna fuisset morte præreptus . Nunquam tamen ex animo meo , meorumque omnium excidet tantorum beneficiorum memoria ; nunquam singulare tuum erga eundem Patrum nostrum studium , ac familiæ totius dignitatem laudibus non efferemus ; Teque non modo Principem optimum , sed quasi Parentem beneficentissimum semper habebimus . Excipe itaque , qua summa soles benignitate ; hoc primum obsequentiissimæ voluntatis meæ testimonium ; & dum per ætatem , atque ingenii imbecillitatem majora proferre nequeo , esto hoc , qualecumque sit munus , tuæ erga nos beneficentiæ perpetuum monumentum .

ORATIO.

ORATIO.



URE, & merito nobis hodie-
no die lætandum est, qui
paulo ante, cum Parentem
nostrum amantissimum tam
acerbe, tamque crudeliter in
Crucem sublatum intueremur, gravissi-
mo dolore perculsi fuimus: ad immor-
talem quippe vitam ille hodie superata
morte resurrexit, ut nos passionis suæ
acerbitate perturbatos erigeret, & lacry-
mis, luctuque confectos exhilararet. Quan-
ta vero gloria, quantaque pompa redivi-
vus apparuerit, lapis ab ostio monumen-
ti revolutus, milites affulgente de Cælo
lumine in terram dejecti, Angelorum
multitudo victori Domino plaudentium
fatis, superque comprobant. Latemur
itaque, & gaudium nostrum sit plenum
ea potissimum de causa, quod natura ho-
minis, quæ salutifera Divini Reparatoris
morte ab antiquo vulnere sanata fuerat,
triumphali jam ipsius Resurrectione ad
eximiam, singularemque gloriam eleva-
tur.

Divi-

Divino sane consilio factum est , ut
miserrimos homines, quos primus Parens
ab excelsō dignitatis loco deturbatos in
interitum adduxerat , ad pristinam vitæ
rationem secundus Adam Christus Do-
minus restitueret , ac deperdita veteris
gloriæ ornamenta ipsis denuo compara-
ret. Cum itaque perfecta Redemptione
Ad Ephef. 1 per Sanguinem suum secundum divitias
gratiæ suæ ab interitu nos eripuisset,
triumphum etiam hodierno die clarissi-
mum instituit , ut naturam hominis pri-
stina calamitate prorsus ignobilem , abje-
ctamque ad gloriam efferret sempiter-
nam . Quis dubitet , ut D. Leonis utar
*S. Leo Serm.
2. de Resur.* verbis, de consortio gloriæ , cum dubi-
tandum non sit de communione naturæ ?
Nos in Christo Crucifixi , nos sumus
mortui, nos etiam die tertia suscitati . Et
revera Apostolus, ut nobis patefaceret
de ignobilitate terrena ad cœlestem ho-
die dignitatem transferri per illius ines-
fabilem misericordiam, qui ut nos in sua
proveheret, in nostra descendit , nos pa-
Ad Colof. 3. riter cum Christo consurrexisse, & vitam
nostram absconditam cum illo in Deo pa-
lam esse testatur . Quoties igitur intelli-
mus , quod Filium suum morte excita-
tum

tum Deus exaltavit, & donavit illi no-
men, quod est super omne nomen, to-
ties assumpti hominis exaltationem com-
mendari dignoscamus, ut in cujus passio-
nibus manet Deitas indivisibilis, idem
coæternus sit in gloria Deitatis: quoties
legimus, quod venit hora ejus, ut a mor-
tuis resurgens transeat ex hoc mundo ad
Patrem, toties naturam nostram ad sub-
limem hujus gloriæ locum elatam esse
gloriamur. Nam cujus naturæ futurus
erat transitus iste, nisi nostræ, cum inse-
parabiliter & Pater in Filio, & Filius ef-
fet in Patre? O incredibilem liberalita-
tem! O amorem prorsus admirabilem!
Illud tamen est erga nos præstantioris be-
nevolentiae argumentum, quod generis
nostri humilitatem non tantum in seipso
mirabiliter exornavit, sed immortalitatis
gloriam possessione quasi fiduciaria vix
adeptus, eam statim quamplurimis ho-
minibus voluerit impertiri: monumenta
aperta sunt, & multa corpora Sancto-
rum, qui dormierant, surrexerunt; ut
videlicet ipsi novo, & inusitato lumine
perfusi triumphum suum assequerentur,
naturamque nostram singulari gloria con-
decoratam in Cælum inferrent. Quis
non

*Ad Philip.
2.*

S. Leo ibid.

S. Joann. 13.

*S. Leo Serm
de Resur.*

S. Mar. 27.

non miretur , quis laudibus non extollat
tam ingentis , inauditæque beneficentiæ
magnitudinem ? Cum Parens optimus in-
Ad Hebr. 2 firmitatis nostræ integumenta suscepit ,
voluit , inquit Apostolus , per omnia
fratribus similari ; cum redivivus nobis
iterum ostenditur , illos sibi conformes
efficere constituit , & eandem claritatem ,
Joan. 13. qua post acerbissimam mortem a Patre
clarificatus est Filius hominis , nobis etiam
vindica vit . Itaque munificentissimo Do-
mino quammaximas gratias expendamus ,
Ad Ephes. 2 qui consuscitavit , & confedere nos fecit
in coelestibus in Christo Jesu : & quo-
niam qui eramus aliquando tenebræ ,
nunc lux in Domino , ut filii lucis am-
Ad Ephes. 5 bulemus : fructus autem lucis , ut ab A-
postolo docemur , afferemus uberrime ,
si in omni bonitate , & justitia firmiter
exerceamur .

F I N I S .